

سر محمدری : مصطفی فوزی

صاحب امتیاز و مدیر مسئول حسن کاظم

ملت فائزیه - امت اسلامیة ایچون مفید اولان آثاره
صدیه لر من آچیقدر درج ایدلمیان اوراق اعاده ایدلار.اداره خانه : استانبول باب عالی جوارنده
ابوالسعود جاده سی نوسره ۷ اصحاب سراجامانه
هر ساعت آچیقدر

مجله ایضو فی سیر

شمه یلک اون بئش کونده بر نشر اولنور

تاریخ تاسیسی ۱۳۲۷ سنه هجری
سنه یلک اعتبارله مالک شاهانه ایچون بشین
اولورق ۴۰ اتی آبلنی ۲۰ غروش و مالک
اجنبیه ایچون ۱۰ فرانقدر .

نسخه سی ۱ غروشدر

تصوفی ، دینی ، اخلاقی ، ادبی ، سیاسی جریده اسلامیة ندر

نومرو ۱۲۹

فلسفه

حقیقت محمدیه علیه اکل التحیه حقندکی سؤاله جواب :

[عقل = روح = حقیقت محمدیه ، حقیقت قرآن و حقیقت
صوم ایله حقیقت محمدیه نك نسبت کلیه سی واردر] جناب حقلک نوع
بشیره احسان بیوردینی نامتناهی نعمتک الکی بیوکی عقلدر عقلی اولمیانک
دینی ده یوقدر انک ایچون جنون مکلف دکلددر هر فردک دیننده کی
رتبه سی عقلک درجه قوت و ضعفه کوردر مراتب اخرویه ینسه
عقلک تصرفات صوریه و معنویه ده کی مرتبه سنه باغلودر انک ایچون
مجدوب الهینک مرتبه سی عارف متصرفک حائر اولدینی مرتبه نك پک
چوق دونددر موهبه الهیه اولان ملکة عقلیه سی بالکزاموردینویه
حصر ایدوبده معرفت الهیه و عبودیتدن صرف نظر ایدنلر عدالتدن
انحراف ایتمکله کفران نعمت نهمتیه متهلدر عقل نه در؟ عقل حقلک
عبده افاضه بیوردینی بر قوه الهیه درکه جسمیت و عرضیت جوهریتله
افاده ایدیلر من دها آچیقجه سی روح نه ایسه عقلده اودر حکمانک
نفس ناطقه دیدکاری طبعیلرک طبیعت اسمی و یردکاری حضرات صو.
فیه نك روح ایله برابر اولورق لطائف خسه الهیه دیدکاری شلر بتون
روحک مراتب و صفاتیدر حیات ممکنات کندوسیه قائم ولدیفنه کوردر روح
دنیلور تصرفات صوریه و معنویه یی ادراک و اداره ایتدیکنه نظر عقل
دنیلور کلام صفت جلیله الهیه سیله مشرف اولدینی ایچون نفس ناطقه در
ازلاً و ابدأ بتون قضایای الهیه انده اندماج و اندراج ایدرک زمان
تعین و تقدیرنده بلا نقصان حرفیاً ظهورانه محل اولدینی ایچون طبیعتدر
مرتبه احدیتده جانب الوهیتدن استفاضه ایتدیک و اردات متنوعه یی
ساحه خلقتده مرتبه کثرته افاضه ایتدیک ایچون قلب اسمی و یریلور
شؤنات ذاتیه الهیه نك باطن عبده حلوه کر اولسنه مساعد اولدیشدن
اسمی (سر) اولور عبدک ملوب الاحوال اولورق ذات حقه فناء
مطلقه و صوانه استمداد کوسردیک مرتبه ده اکا (خض) دنیلور عبدک
فردیت جامع سی شان جامع الوهیتده بقای اکله مظهر اولدینی تحقق
ایتدیک مرتبه عظیمده (اخفا) اولور یوقارودن بری بیان اولسان

مربده صوفیه

محترم قارئلرینه عید سعید فطری تبریک ایلر

قرآن بلیغ البیان :

[اذا الشمس کورت و اذا النجوم انکدرت و اذا الجبال سیرت الی
آخر السورة]

معنای لطیفی : — کونش ضیائی غائب ایلدیک و قوت نجوم سقوط
ایتدیک و قوت ، جبال سیر و حرکت ، حامله اولان دوه لر یاورولر
ترک ایلدیک و قوت ، وحوش حشر و جمع اولدینی ، دکزلر طوتوشدینی
وقت ارواح بوم بعثده خوف و خشیتدن اجسادده قرن اولدینی ،
موثودیه یچون قتل اولدینی صورلدینی وقت . تحائف اعمال فتح
و نشر ، نبات موقندن نزع اولدینی وقت اعدا ایچون جحیم یزدیرلدینی
اهل رضا ایچون جنت تزیین اولدینی وقت نفس - انسان - خیر و شر ،
نفع و ضرردن احضار ایلدیک شی بیلدی .

ظلام لیلی اقبال ایدن ، نور صباح ایله مرفوع اولان کواکب
راجمه و منوره علوی ایچون قرآن جبریل کریمک الهمدن کتیردیک
قولیدر . او قوت صاحبدر . جبریل عرش معلای صاحبی آلهک عندنده
منزل و مکانت رفیه به نالدر او مطاع و امین و حیدر . صاحبکز اولان
حضرت محمد زعمکز کی مجنون دکلددر . جناب محمد جبریلی افق اعلاده
صورت حقیقیسی اوزره کوردی جبریل امر تبلیغه کاتم و مهم دکلددر .
قرآن شبطان مطرودک قولی ده دکلددر . او حالده قرآنی بر اقوب زویه
کیدر - یکنز . قرآن موجودانه ، عالمه فیاض برکت - ایدر . سزدن
او کیمسه که قرآنه اتباعله طوغر و لوق دیلیه . سز طوغر و لوقی ایتسه سز یکیز .
مکرکه عالمک ربی اولان آله احسان و توفیق یله سزک طوغر و لغزری
ایسته مش اولسون .

قلعه سلطانیه لی :

علی طیار

صفات کامله‌ی جزئی و کلی اظهاره مستند اولان روحه روح سلطانی
 دیر لر بالعکس بو صفات جلیله‌نک اظهارندن محروم اولوبده بالکیز حیات
 قانییه سبب اولمقله قالان روح روح حیوانیدرکه انک بر اسمی نفس
 حیوانیدر اصطلاحات فنیه و السنه عمومیه‌ده روح دنیلان و بالکیز حیات
 حیوانیه‌ی ایجاب ایدن و حرارت غریزه و بخار لطیف واردکه ذکر
 صدندن اولدیغیز قوه نورانیه ربانیه‌نک تعاق و فیضاندن بالجله اجسام
 انسانیه و افراد حیوانیه‌ده حاصل اولان بر ماده لطیفه‌ده اصطلاحات
 صوفیه‌ده روح حیوانی و نفس دیدکاری اشته بو ماده‌ده بونک خاصه
 میزه‌سی شهوت و غضبیدن عبارتدر قوه نورانیه اولان روح الهی من الازل
 الی الابد بتون ممکنانه تعاق و تجلی ایدرک نشر فیض ایتمکده در اجزای
 ممکنانک درجه درجه محافظه موجودیت ایتملی و استعدادلرینه کوره
 نشو و نما بولملری او سایه‌ده حاصل اولمقله‌ده در طبیعین روح جلیلک
 بو خاصه‌سنه نظر ایدرک طبیعت دیمش اولدقلری بالاده بیلدیرلدی بو
 سوزلری خلاصه ایدم: بوقاروده بیان ایستدیکمز شیلر حقیقتده شی
 واحددر یعنی بیان ایتمک ایستدیکمز روحک کندوسیدر بونلری سولیکله
 حقیقت روحدن بحث ایتمش اولموروز چونکه روح «قل الروح من امر
 ربی» عالمده ذاتیت مطاقه‌دن بحث ایتمک ممکن دکدر ذاتاً بو مقدمه‌دن
 مقصدمن روحک ذاتندن و حقیقتندن بحث ایتمک اولوب بوراده مقصد
 اصلی ذات حضرت احمدیه علیه اکمل التحیه در ایشته بیان ایستدیکمز
 و جهله حقل عبده افاضه بیوردنی قوه الهیه حقیقت محمدیه‌نک ظهور
 راندن عبارتدرکه بو سببله بو حقیقت جلیله‌یه روح کل و عقل ال
 دینلمشدر اصطلاحات صوفیه‌ده بر شیک حقیقتی اوشیک عین ثانی یعنی
 اصلی و مابیه‌سی و کنهی و دها طوغروسی علم الهیده‌کی صور علمیه‌سی
 و معنا و مفهوم لاهوتی ازلیسیدر دها اچیقجه‌سی حقل بیلدیکی و تقدیر
 ایلدیکی معلوم و مقدور سبحانیدرکه عوالم ممکنه‌ده کوریلان و بیانان
 موجودات او حقایق اولیه‌نک فضله‌یز و نقصانیز صورت ظهوریدر
 ایشه شو معنایه کوره حقیقت محمدیه و حقیقت جامعه انسانیه‌ده بالجله
 حقایق ایچنده حقیقت الهیدن صکره اعظم حقایق حقیقت انسانیه‌ده
 حقایق سائر بتون مراتب تنزلانده بالجله شؤناتیه برار حقیقت انسا-
 نیه‌نک تفرعات اولاق طولانیسه انک خادم و طفلیسیدر حقیقت الهیه
 حقیقت انسانیه‌نک و حودنی ایجاب یشدی حقیقت انسانیه‌ده کندی
 مراتب تمیناتی اعتباریه حقایق سائر نکه ظهورنی اقتضا ایلدی بونلر
 بتون تجلیات و ظهورات ربایه‌ده در حقایق انسانیه ایچنده اکمل و اشرف
 حقایق حقیقت محمدیه اولوب دیکر لرینک خواص عالیه و مزیات کالیه‌سنی
 جامع اولدنی ایچون حقایق کلیه‌نک بادی و باعنی او حقیقت جلیله‌درکه
 انسان اکلدر شوراسی بیلنمک لازمدرکه بو امت مرحومه‌نک حضرت
 فخر کائنات علیه اکمل التحیات افندمن حقیقتده کی اعتقادی نصار انک
 افراطه و ارارق جناب مسیح علیه السلام حقیقتده الوهیت اسناد ایستدکاری
 کبی همان صوری و تقلیدی قورو بر اعتقاددن عبارت دکدر بلکه بر

حقیقت محضه اوله‌رق مادی و معنوی دلائله مستنددر دلائل صوریه‌دن
 براسویله بهیم‌ده دلائل معنویه‌یینه ارباب معنایه براقیم: حقیقت محمدیه
 روح کلدر چونکه بتون ارواح او روح اعظمک تفرعات و طفیللریدر
 بونک اثباتی شو درکه بتون روحیونک روح حقیقتده کی مناقشات و مبا-
 حثنانک نتیجه‌سنده تظاهر ایده بیله‌جک مراتب علویه‌نک ذات حضرت
 احمدیه‌ده اجتماع ایتمش اولدنی کورمکده کوچلک یوقدر .

حقیقت محمدیه عقل اولدر چونکه بالجله اولوالعزم و رسل و انبیا
 و صدیقین و شهدا و عارفین و اولیا و صالحین اختیار و فاسقین و کفارک
 عقلی بو عقل اولک مرتبه مرتبه برر عکس برتویدر بیان اولنان ارباب
 عقولک عقل ذاتیلری عقل محمدی به نسبت اولورسه هر برر لرینک
 درجه‌سنه کوره نقصانلری تظاهر ایدر بتون علویات صفاتیه و قدسیات ذاتیه
 احمدیه علیه افضل التحیه افندمن حقیقتده بو قیاس جاریدر مثلاً اجل
 مخلوقات افندمنک شئانیل شریفه‌لری مطالعه اولورسه بتون فن قیافه
 علماسنک کوزلک حقیقتده سرد و بیان ایستدکاری خطوط و اشکال و اشارات
 و علامات شروط اعتدالک جمله‌سی او سلطان اقلیم ملاحات سرد فخرخونان
 پیغمبر ذیشان افندمن حضرت تارنده بالانقصان تجمع ایتمش اولدنی کوریلور
 بناء علیه کائناتده کوزلک لکریله اشتهار ایدنلرک حسن و آنلری احسن
 ممکنات افندمنک طلعت جمال با کمالدن برر عکس برتو مثابه‌سنده در
 حضرت یوسفک کوزلک لکله اشتهارینه کلنجه: مشارالیه حضرت لری حقیقه
 کوزل اولمقله برار بو کوزلک شیععه باشاوجه سبب قرآن کریمده بیان
 بیوریلان وقعه معلومه‌در بونک بشقه اسباب معنویه‌سی اولسه بیله بز
 مادیاتدن بحث ایده جکمز اولجه سولش ایدک معنایه حضرت یوسفک
 کوزلکی جناب محبوب کبریا افندمنک کوزلک کنه نسبت ایدیلورسه صباح
 بیلدیزینک کوانشه نسبی درجه‌سندن ایلر و کچه من و واک لعلی خلق
 عظیم بر مدح الهیدرکه بوندن بیوکی شویله طورسون بو درجه‌سنه
 یقین هیچ بر مدح هیچ بر پیغمبره توجیه بیورلماشدر قاق التبین
 فی خلق و فی خلق. ولم یدا نوه فی علم ولا کرم. و کلهم من رسول الله
 ملتس. غرقا من البحر اورشفا من الدیم و واقفون لدیه عند حدم .
 من نقطه العالم او من شکله الحکم. فهو الذی ثم مناه و صورته . ثم
 اصطفاه حبیباً باری النسم منزله عن شریک فی محاسنه فجوه الحسنة
 فیه غیر منقسم الخ . و قصیده‌برده .

و الحاصل بالجله اوصاف جلیله صوریه و معنویه‌ده اکل مخلوقات
 افندمن مراتب علویه ممکنه‌نک فوقیتی احراز ایتمکده در بتون دنیانک
 حکماء علما، شعرا و متفکرلری و علوم منتخبه و فنون متشعبه متخصصلری
 علویات اخلاقیه و مزیات بشریه حقیقتده او قودقلری علوم و فنونک
 و مطالعه ایستدکاری کتب متنوعه و تألیف و تحریر و انشاد ایلدکاری
 کلیات و جزئیات عمومیه‌نک بر نتیجه و بر خلاصه‌نی بابوب جمله‌سی بر
 یره طویلانسه‌لر آرالنده محاضره و مناظره و مناقشه ایتسه‌لر او محاضرات
 و مناظراندن و مناقشات قانونیه‌دن حاصل اوله‌حق خلاصه‌ی خلاصه‌ی

اولجه مذکور و اعدوا لهم ما استطعتم ... آیت کریمه سنک شرح و تفسیری بولنده :

(الان القوة الرمی)

بیورده رق قوه حقیقه نك رمیدن عبارت و فن و صنعت رمیده جلوه کر ایدوکنی. حقیقی قوت ایدنك وقوت صاحبی بولنقی آرزو ایلنلرک فن و صنعت رمیه سارملری لزوم قطعینی امت محمده اشارت و تبلیغ بیورمشلر و اوفک قدسینی ووق آتقده کی منافع و ثوابت عظیمه یی تبشیر بیوران بونجه احادیث شریفه لرله اهل اسلامی اوق ویای استعمالیه قوتلنمک و بالتضمن هر دورده کی اسلحه رامیه نك [زمانه زده طابعه دن بدأ ایل ۲۷ و ۲۸ لکله قدر هر نوع اسلحه ناریه خفیه و ثقیله تفنک طوبابوس ماون انواعنك] عمال واستعمال و انداخته سوق و تشویق بیورمشلر درک حرب حاضر عمومینك احوال و وقایع جاریه سی شویله سطحه حجه بر نظر اماندن یکیریلورسه بو تشویق جناب رسول مجتبا ده کی قدسیت و علویت در حال تظاهر ایدر [۲].

خصوصات معروضیه مبنی درک عالم اسلام ریاضات و تربیه بدنیه سی آرهنده نشانجیلقی [رامبلک] برنجی مرتبه یی طوتار. و قبله استانبولده اک مکمل بر انداخت مکتب و میدانی صورشنده بولنان اوق میداننده ایام و مواسم مخصوصه سنده اصول و مراسم و ارکان و قواعد موضوعه و معینه سیله بادشاهدن نفره علما و رجالدن عوام ناسه قدر همان هرکس اوق آنار. اوق بای استعمالی تعلیم ایلردی. افراد ملت، عسکرلرمن و بالخاصه یکچیری نامزدلری بولنان عجمی اوغلانلری مسافات بعیده یه اوقلری ایصال ایدمک قوتی یابلری چکبیلیمک لازم کلن قوتی قو- لارنده، بازولرنده حصوله کتیرمک ایچون صباح اقشام مرمره الی النش قدر سلله آتقی تعلیملرله ایشه باشلارلر. کانکشلکک بتون تعلیمات ابتدائیه و متنوعه سی بیوک برعشق و شوق ایله یابارلردی. ایشه شو و جهله کانکشلکده. فن رمیده بین الملل اقصى الفسایات ترقیانه واران اجدادمن هم جهانک اک نافع اسپورلرندن بولنان کانکشلک حرکات و تعلیملرله قوللریخی، بدنلریخی فوق العاده قوتلندیره رک چلیکه دوندرلر و همده عماریه زمانی مسافات بعیده کی دشمنلریخی کوبکندن یورکندن حتی کوزندن اورمق [۱] درجه لرنده خارقلر کوستره زک غریبلره و تورک کانکشلک قارشوسنده طوربله منزه حکمی و بر دبر- لردی. بو وجهله دور اسقیلا من مظفریات عالیه سنک اساسلری مشهور

[۲] اسلام ریاضات و لمیات بدنیه و مسابقه لری ایچنده نشانجیلقی مسا- بقه سی ایله آت و دوه یاربشلی و آت اوبشاتی و نشان آتقی اویونلرینک مقبولیت و نزد الهیه محبوبیتی اوج حدیث شریف ایله صراحه تبلیغ بیورمش و اوق و فرس حقه کی برچوق احادیث شریفه بونلرک و بالتضمن اسلحه رامیه حاضره بولنان هر نوع اسلحه ناریه نك بین الاسلام کال اهمیتله نظر اعتباره النشی امر و اشارت ایلکده بولنشد.

[۱] «طوردی طوردی اوقله طورنایی کوزندن اوردی» ضرب مثلی معروردر.

کوزدن یکیررسه ک کوره جکمز علویات کامله و مزیات شامله رسالته نام افدمنه تطبیق ایدلکده ذات جلیل حضرت احمدیه یی او علویات و مزیات عالیه نك فوقنده برقدسیت و مصطفویتله ادراک ایدرز و بونلرک ممکوسی اولان خصائص سافله نك شائبه لرندن او حضرت محبوب کربایی منز و مقدس اوله رق بولورز ایشه بونک ایچوندرک اشاعیدن یوقارو حساب و اعتبار ایدیلرک نهایت مرتبه اولوالعزمک نهایتی مرتبه جلیل حضرت خاتمت و مصطفویتک بدایی اولوب او مرتبه خاتمتیه نهایت یوقدر دیدکاری حضرت صاحب مرتبه علیه اکمل التحیه افدمنرک صورت کالات ربویتی اولدیفنه مینیدر چونکه حذک باطننه نهایت اولمدینی کی صورت کالنده نهایت اولمز بناء علیه عالم اخرتده و قوعوبله حق اولان نجلی کللی الهینک برتوریز حقیقت محمدیه علیه افضل التحیه دن ظهوریه اعیان اولیده اولدینی کی خاتمه تعیینه دده توحید حقیقی عمومی حاصل اوله حقی سونک استوره. لولاک لولاک لما ظهرت الربوبیه ...

شوراسیده عرض ایدمک عوالم تعییننده حقایق الهیه ایله حقیقت محمدیه بیننده واسطه کلینی حائز اولان حقیقت، حقیقت کلامیه الهیه در حقیقت قرآنییه صفات نبوتیه الهیه در اخلاق محمدیه تماماً قرآندر بناء علیه حقیقت محمدیه صفت حقدر حقیقت صوم حقایق ذاتیه الهیه- دندر حقیقت قرآنییه نك عالم ظهوراتده تعینی شهر صیام اولان رمضان مبارکده و قوعوبلدیفنه کوره حقیقت قرآن و حقیقت صوم ایله حقیقت محمدیه بیننده مناسبت کلیه و اردر بناء علیه قرآن عظیم الشان و رمضان مغفرت نشان ایله الفت و انیسیت کامله پیدا ایدرک بولنده کی علاقه سی دمبدم تربید ایدن ارباب عرفانک بقدر الاستعداد حقیقت محمدیه علیه اکمل التحیه افدمنه معرفت حاصل ایدمک شهبه سزدر ذلک فضل الله یؤتیه من یشاء والله ذو الفضل العظیم.

فانح — دراعمان

مصطفی فوزی

علویات اسلام:

عالم اسلامیتده ریاضات و تربیه بدنیه

[اسلام اسپورلری] [۱]

(۵)

حبیب کربیا، سرور مجاهدین و رسل و انبیاء افدمنر حضرتلری

[۱] مباحث اولیه سی ایچون جريدة صوفیه نك (۱۲۴: ۱۲۷) نومرولی

نسخه لرینه مراجعت بیورله.